

Kugluktumi Havak ilakaktok 1,200 kilamitamik kikagiknigani nonamik uyagaktagiyaolaktonik kanoyanik kivliktoniklo nonami, amigaetonik akitoyonik kanoyanik kivliktoniklo pikakniginik naniyaovaktut nonami. Havat una 60-kilamitamik ugahiknikaktok Kugluktumit, ikayoktaovlonilo ublotoagagat tikmiyotikhanik Yalonaemut. Atokhimaktok puyukpalagitonik atokniginik honanika manikhakheogotiptikni amigaegotaoyok piyomayaoniginik kanoyat kivliktolo, pivaligotaoyok ihomagiyoahimakniganik nona una.

1501253 B.C. Timeoyok upalogaektut hivolikmik nalvakheokvikhamiknik havamik atoktilogo 2025 ukeok, ilakakneakhoni mikiyomik ikotaotini, nonameotanik kinikhealotik uyakaniklo hikuptiklogit ihiveogakhanik, nonameotaniklo naonaoyaotini. Havakveoyok ihomagiyaakneaktut taemaenmaga taemani nonat akitoyonik kanoyanik uyagaktakhanik, ilitokhaklogit ukoa notaonikhanik ikotaotini atoklotik, humeniginiklo nutat kanoyakkniginik. Atogotaoyut 1501253 B.C.-timeoyomit Koen nunagiyanetut, Inoet nanminikaktut kaginic nunanik (CO-53-mi, CO-61-milo), Inoelo nanminigiyaenik kagini nunat (CO-54-mi, CO-58-milo).

Manikami havaktut hiniktakvikakneaktut Kugluktumi, tikikpaklogolo havakveoyok nona halikaptakut. Takmakvikhakalimagitok havakveoyomi nonami. Manikami havak aolaktigeakneakuktok April-mi May-milo mikiyonik aktoknikakpalagitoni nonami naonaeyaotini, nutkaklotiklo Tuktut nogilikata. Ikotaktut nalvakheoktolo havalikneaktut July-mi kigoani tuktut nuritakata, atokhimaklotiklo September-mut. Ikotaknik namaenakat, manikami havaohik atokhimakneagonakhoyok ukeomut. Nalvakheoknik atolaktok homilika Timeoyup uyagaktakhanik pimayaeni, kiheani ikutakneaktut togaktakveoyoni nonani takukhaoyoni nunaoyani.

Ikutaknik atokneaktok mikiyomik hitiyomik kigotikaktomik ikutakmik tukhoatut itonik halikapkakut akyaktaolaktomik kaga aktoktaoniganik nona atoni ikotakvik 10-metamik 10-metamiklo kikagiktomik. Ikotaknik pikakneaktok kanitoani 1-taositmit 2-taosinmut ikutakniknik ukunani kulinit 15-nut putonoani. Timeoyok okakatikateakneaktok KIA-konik, HTO-konik, Kugluktumilo nonakaktonik okakatigegotikhani kaoyipkaeyamiknilo, maliklotiklo atogeakaktonik avatilikiyotini haovaohiknik nalvakheoktilogit tamaeni. Havaktut tikmiyalo monagiteakneakut haneanugagitagani tuktut, atogilotiklo inoet-akhaelo aputiniginik. Nalvakheoknik namakpat, kanoginiga nalvakheokneop hivonikhami agiklaktok, nahogiyaonigilo Kugluktumi manikhakheoktut havaktulo, amigaekpaliklotiklo havakhat atolaktaet nonagiyaoyomi ilaoyut.

Tikmeat atolaktut aleanik kayaniklunet mitamikni tahikni hikumilunet. Uvuga 20-metamik pigahoeklogo imaknik atoktaoneaktut atuni ublomi ikotaotikhanik, piyaoneaktonik kanilgomit tahikmit kukamilunet. Imaknik atoknigit ikotaotini atoktaovakneaktok imakakvikmi atoktaovaklonilo mikhiyagani imiktagoyut imiktakviknit. Atakut imavaloet ikotakmit iliyaoneaktut imagikhitevikmut ugahitkiyani 31-metamik ugahiktoanit imaokakniganit imavaloet homilika, haoyaolotiklo kagagut atoktaotakata.

Nonagugut atoktaoneagonakhiyok akhageagani ukitonik ikotaknik kanilgomut akungani ikutakvet inigiyaoyut, kiheani amigaenikhat akyaotit halikaptakut piyaoneaktut. Inigiyaoyunik pikakat, ukoa atoktaoneaktut mikinikhaoyagani notat aktoktaoyotit.

Kitolika ilitkohikmi kayaknaktut inigiyaoyut naonaektaoneaktut, aktoktaogilotik, okagiyaonagiklotiklo ataniktoeyonut. Tamaeni honanilika timeoyok mikinikhamik aktoknikakneakhimayut avataoyomik umayoniklo, ipigaklogolo avataoyok ilitkoheanut atoliktaogeaktinago.